

Ta'iala mo amioga a tamaiti a'oga

Fa'amatalaga mo tamaiti a'oga, mātua ma tausī fanau.

I a'oga a le mālō i NSW e 'auai fa'atasi ma tausiniō uma tagata e 'ausia se tulaga sili ona maualuga i le a'oa'oina.

O lenei ta'iala e mo tamaiti uma i a'oga a le mālō i NSW. E aofia ai mea fa'atino uma i le a'oga, i totonu ma fafo o lotoā o le a'oga, luga o le 'upega tafa'ilagi, amioga i le vā ma isi tamaiti a'oga, faia'oga, isi tagata faigaluega i le a'oga ma tagata lautele o le alaalfaga.

Ou te mulimulita'ia le Ta'iala e auala i lo'u **fa'aaloalo, amio pulea ma saogalemū**, ma le usita'ia o fa'atonuga a faia'oga ma le 'aufaigaluega.

Fa'aaloalo i tagata uma

O lona uiga o le feāvata'i ma malamalama e lagonaina ai e isi tagata le fa'atāuaina ma amana'ia.

O le a ou:

- fa'alogu ma tautala ma le fa'aaloalo
- tu'u isi tagata e tinoū ia latou meaa'oga
- amana'ia ma talia tagata uma ma le āva ma lē manatu fa'apito
- tausī i le si'osi'omaga o le a'oga
- 'ofuina sa'o ma mitamita le togiga a le a'oga.

Amio pulea

O lona uiga o le mātaala i au amioga ina ia mafai ai e isi tagata ona a'oa'oina ma feālofani.

O le a ou:

- 'auai i le a'oga i aso uma e mafai ai, taunu'u i le a'oga ma a'u vasega i le taimi fa'atonuina, aumai uma mea mana'omia ma sauni mo lesona
- usita'ia fa'atonuga ma tiute masani a le a'oga ma la'u vasega
- fa'aaogā saogalemū tekonoosi mo le a'oga
- fa'amae'a a'u meaa'oga, taumafai i le mea e gata ai ma fesili pe a mana'omia
- fesoasoani i isi pe a ou mafaia
- a'oa'oina mai a'u mea sesē ma ou taumafai e fa'aleleia atili.

Ia saogalemū

O lona uiga o le tausī lelei ia te 'oe lava ma isi tagata ina ia saogalemū tagata uma i le a'oga.

O le a ou:

- usita'ia fa'atonuga uma mai faia'oga ma le 'aufaigaluega i le a'oga
- amana'ia le vā ma le tulaga o isi tagata ma meatōtino
- fa'ailoa ma tapa se fesoasoani i taimi e sauāina ai seisi tagata
- fa'aleleia 'ese'esega i auala amiotonu.

Ina ia saogalemū tagata uma, ou te lē:

- faia ni amioga manatu fa'apito i seisi tagata ona o ni tulaga fa'aletagata e 'ese mai ai ia te a'u
- sauā, fa'ao'olima, fa'amata'u, fa'asoesā pe tau fa'afefe seisi tagata, e aofia ai le fa'aaogāina o telefoni, computer, 'upega tafā'ilagi poo feso'ota'iga tele vavave
- aumai ni a'upega, vaila'au fa'asāina, 'ava malosi, vape, sikaleti 'eletise poo le tapa'a i le a'oga.

A ou faia ia mea, e ono fa'atino e le 'aufaigaluega ni fa'ai'uga mo le saogalemū o isi tagata. E ono aofia i ia fa'ai'uga le fa'ate'aina lē tumau.

O faia'oga ma le 'aufaigaluega e fesoasoani mai i lo'u faia o fa'ai'uga tala feagai ma saogalemū. O le a ou usita'ia tulafono, lagolago i isi tagata, amana'ia a latou aiā tatau, ma fa'asoa o'u manatu ina ia avea le a'oga ma nofoaga e a'oa'oina ai ma talia tagata uma.

Ua ou fa'ailoa atu ua ou mauaina le Ta'iala mo Amioga tala feagai a Tamaiti A'oga ma mana'oga o loo folasia mai ai.

Igoa o le Tamaititi:

Ua ou/matou fa'ailoa atu le mauaina o le Ta'iala mo Amioga tala feagai a Tamaiti A'oga ma mana'oga o loo folasia mai ai.

Igoa matua/tausī:

Saini matua/tausī:

'Au'aunaga Fa'amatala'upu Telefoni

A fa'apea e te mana'omia nisi fa'amatalaga, fa'amolemole vala'au le pule o le a'oga. A e mana'omia se fa'amatala'upu, vala'au le 'Au'aunaga Fa'amatala'upu Telefoni i le 131 450 ma fesili iai i se fa'amatala'upu i le gagana Samoa.

Ta'u i le tali telefoni le numera e te mana'o e vala'au, ona latou fa'atulagaina lea o se fa'amatala'upu e fesoasoani atu i lau fa'atalanoaga. E leai se totogi o lenei 'au'aunaga.